







原件短缺



武安王集序

徐子曰余道荆門經玉泉山其陽蓋有漢前將軍武安關侯羽祠云祠下方二十里皆黑壤土人相傳謂侯嘗駐兵玉泉作書遺其子平書罷以硯汁擲地故至今土為之緇其事頗涉幻怪不足信獨所豎青龍刀在石罅中以手摩之輒動然後千夫之力不能舉可異也楚俗故信鬼而事侯尤謹家為繪像香火于中寢有事則禱之吉凶無不奇驗而玉泉祠之靈特著按侯故河東解產獻帝初平二年從昭烈起義戮力中原其金戈鐵馬常馳驅荆郢樊襄間逮蒙難授首吳人殞之章鄉又去荆不百里而近則侯平生興復之志憤懣鬱結而不能自解者固於是乎在宜其神遊茲土而不去也余惟昔之貞臣端士誑于時而尸祝於後者衆矣若三閭哀郢顛賴自湛長沙賦鵬以悲致殞楚



人皆哀而祠之然無有神應如侯者豈其忠魂怨魄止于其身之培塿而侯之存歿繫漢室興亡之會耶天宇宙一氣爾其間法象萬殊森列布昭融峙流結孰為之附離而賦之流形則為人之所以生孟氏所謂配道義而塞天地者皆是物也故氣聚則神以之凝神凝則靈由斯著方侯之守江陵擒于禁誅龐德降胡修傳方自許以南皆殺主相附威震華夏操欲徙都避其銳當是時殲曹殪孫在掌中爾何其壯也乃白衣伺伏竟為公麼所乘令魏日強大傾移神器此今古一大憤恨事非三閭長沙之死埒也夫匹夫負冤死猶為厲矧侯之英烈夙鍾于天性而少習左氏又較然於討賊之義故絕吳昏卻曹遺世間所可詭慕漠然無繫于中至以其心自比於白日蓋庶幾於直養無害者則侯之神固將盤礴於法象間與之同悠久成變化而謂其隨死而亡豈其然耶侯去今幾二千年其蹟散見諸書謾不可考元胡琦始萃編一集其叙靈應事燁々如觀要不可盡誣而蘄陽顧日巖先生又廣其輯自國史家乘以及近來銘贊論記祭誄之文總之為八卷可為極備蘄別駕玉峰顧舜祥氏故嘗奉侯像于家至是嗜顧本獨至願為鋟梓嗚呼後之讀是集者固知侯之不亡而二君子風厲之意亦可槩見也夫

嘉靖甲子元日吳郡徐學謨撰



重刻漢壽亭侯事傳叙

漢壽亭侯事傳漢大將軍關雲長事蹟也侯事載諸傳記者類可考見而志于陳壽者為悉蕪陽憲副日嚴顧公復有是傳庸非以西楚當荆蜀之阨侯降神棲魄于斯為久而故老夙士多所考見為不可磨滅耶抑緣舊鑿正刪輯補訂將取繫屬風教者以垂無窮耶不然俯仰古今追慨往事將為豪傑憤唱托是傳以增彈長劍者之浩氣耶編成將梓之適余客于大司寇馮公館得受而讀之優于昔所刻者心甚快焉會別駕姑蘇顧君見而義之將捐俸以梓俾余叙其末簡曰必是而後足以見侯之全嗟夫侯之英烈不在于櫜吳捍魏長驅直擣之間而其直氣勁節有不啻走廉藺而驅韓白者方其始從昭烈也與張翼德諸人盟諸草莽義結昆友而分固已定君臣矣侯於時固



自決意于帝室之胄而知所從終始一念即列頸決腹亦所甘心雖老瞞百出鬼畫以要致之侯僅一報效而奮不復留於是得援古城以酬初志此其天植忠貞篤至堅定萬不可奪非天下之大勇而能之乎史稱秉燭達旦為侯大節誠然矣然以予言之侯方是時同罹于鬼域矣老瞞方以是殘滅其分義而借以傾危之假令非侯之節而可自陷于賊乎獨其秉燭一舉烺烺炳炳于別嫌之外而燭奸昭魅已可寒其膽矣以此較諸貂蟬狡媚一決而去之同一忠貞之節之所震揚且寧不凜凜於漢之末造毅然一大丈夫哉然則知侯者固不假是傳以見其全而其全者自在也君臣義重日月昭揭天下後世未必無知侯者而漢室不延竟與出師未捷者同逝侯亦竟不以劍術自全英雄淚滿豈獨杜老為然哉雖然成敗利鈍諸葛氏且自謂不能逆覩矣予於侯復何憾耶日巖公素以風節砥礪一世而別駕君亦深于侯者其將以予言為然乎庸書以告來世

中

嘉靖癸亥季秋之吉廬陵懷石山人劉芙茂時甫書于尚玄窩



義勇武安王集目錄

卷之一

年譜

集傳

卷之二

世系圖

遺跡

塚廟圖

封爵

祀典

卷之三

論說

卷之四

記

卷之五

記

卷之六





序

卷之七

祭文

詩贊

卷之八

存疑

義勇武安王集目錄終

義勇武安王集卷之一

明蘄陽顧問編輯

年譜

漢獻帝初平二年劉備為平原相以關羽為別部司馬羽年長

張飛數歲飛兄事之三人少相友善息若兄弟

為司馬與飛同問

通鑑開張事始此本傳亦無前此年分可考始以此年為始胡琦所云羽從先主討黃巾賊董卓皆無據今削之

初平三年

初平四年

興平元年

興平二年

建安元年

建安二年

建安三年羽從劉備禽呂布



建安四年劉備起兵討曹操使羽守下邳城行太守事

建安五年曹操拔下邳執羽以歸表為偏將軍四月羽斬顏

良解白馬之圍曹操即表封羽為漢壽亭侯羽拜書辭操奔劉

備於袁軍間昔過許州考州志開公宅在州東南相傳操拜羽為偏將軍作一院二宅以居之今即其址作廟

祀以

建安六年九月曹操擊劉備於汝南羽從備奔荆州就劉表

建安七年

建安八年

建安九年

建安十年

建安十一年

建安十二年劉備見諸葛亮於隆中羽等不悅備解之

建安十三年劉表卒曹操入荆州備將南渡江別遣羽乘船

數百艘會江陵操追備備趨漢津與羽船相值共至夏口羽

從備與周瑜等擊破曹操於赤壁

建安十四年劉備領荆州牧封拜元勳以羽為襄陽太守盪

寇將軍駐江北

建安十五年

建安十六年劉備入益州留諸葛亮與羽等守荆州

建安十七年羽與魏將樂進相拒於青泥詳樂進傳或此時失襄陽也

建安十八年

建安十九年劉備定益州拜羽董督荆州事諸葛亮張飛等

皆將兵入益州是年馬超來降羽有書與諸葛亮問超人才

可誰比類先番守荆州與孔明同後董督荆州任始專本傳似畧



建安二十年孫權爭荊州三郡羽將兵三萬與魯肅相拒於益陽單刀相會後乃分荆備使羽守江陵

建安二十一年

建安二十二年

建安二十三年京兆金祿少府耿紀等起兵討曹操引羽為援不克而死

建安二十四年七月劉備立為漢中王拜羽為前將軍假節鉞遣司馬費詩即授羽印綬羽聞黃忠位與已並不悅詩譬解之八月羽使麋芳守江陵傅士仁守公安自率眾取襄陽自許以南社往遙應羽羽威振華夏曹操議徙許都以避其銳十月孫權使呂蒙襲取江陵曹操帥師救樊羽走還權遣將逆擊十二月被害

集傳

以本傳及通鑑細目為主間及別傳并增註要見當時行事之槩云

關羽字雲長本字長生河東解人也初涿郡劉備中山靖王之後於鄉里合徒眾而羽與郡人張飛共事備為之禦侮漢獻帝

初平二年公孫瓚以劉備為平原相備以羽飛為別部司馬分

統部曲備與二人寢則同牀恩若兄弟而稠人廣坐侍立終日

隨備周旋不避艱險建安元年曹操遷獻帝於許劉備為呂布

所敗走歸許詔以為豫州牧東屯沛建安三年曹操與劉備擒

呂布殺之備從操還許表以為左將軍

蜀記曰曹公與劉備圍呂布於下

布使人求救乞娶其妻公許之臨破又屢啓公公疑其有異色先遣迎看因自留之羽心不自安此與魏氏春秋所說異也

四年初車騎將軍董承稱受帝衣帶中密詔與劉備謀誅曹操

備遂與承及種集等同謀會詔遣備將兵邀素術備遂起兵討

曹操殺徐州刺史車胄使羽守下邳城行太守事

魏書云羽領徐州身



還小沛胡冲吳歷曰曹公數遣親近密覘諸將有賓客酒食者

去倫謂張飛曰吾嘗種菜者乎曹公必有疑意不可復留

其夜開後棚與飛等輕騎俱去所得賜遺衣服悉封留之乃往

小沛收兵合眾裴松之曰魏武遣先主統諸將邀擊秦術郭

甚乎郡縣多叛操為備操遣人擊之不能勝五年正月董承

謀洩曹操殺承等遂擊劉備破之獲其妻子進拔下邳禽羽以

歸拜為偏將軍禮之甚厚備奔青州歸袁紹四月紹遣顏良攻

東郡太守劉延於白馬白馬漢之縣名操使張遼與羽為先鋒

擊之羽望見良麾蓋策馬刺良於萬眾之中斬其首而還紹軍

莫能當遂解白馬之圍曹操即表封羽為漢壽亭侯初曹操壯

羽為人而察其心神無久留之意謂張遼曰卿試以情問之既

而遼以問羽羽歎曰極知曹公待我厚然吾受劉將軍厚恩誓

以共死不可背之吾終不留吾要當立效以報曹公乃去遼以

羽言報操操義之傳子曰遼欲白太祖恐太祖之殺羽不白非

之太祖曰事君不忘其本天下義士也度何時及羽殺顏良操

知其必去重加賞賜羽盡封其所賜拜書告辭而奔劉備於袁

軍左右欲追之曹操曰彼各為其主勿追也辭操書云切以日在

日在天之上普照萬方心在人之內以表丹誠丹誠者信義也

其昔受降之日有言曰主亡則輔主存則歸新受曹公之寵顧

久蒙劉主之恩光丞相新恩劉公舊誼恩有所報義無所斷今

主之托其以厚望形立相覓迹求功刺顏良於白馬誅文丑於

南坡丞相厚恩滿有所報每雷所賜之物盡在府庫封械伏望

台慈俯垂鑒照呂淫野先生曰胡琦實錄舊不載辭操書疑為

後人擬作今觀其命語立意真可對白日而起亂世非雲長不  
能也故特注錄之問竊以為侯本傳並不言文醜通鑑細目  
前叙斬顏良後但云紹騎將文醜與劉倫將五六千騎前後至  
諸將白可上馬操曰未也頃騎至稍多或分趣輜重操曰可  
矣乃皆上馬縱擊大破斬醜醜良皆紹名將再戰禽之紹軍奪  
氣操傳大畧同亦不言羽斬文醜則誅文醜必非侯也當時操  
自為大將軍封武平侯後又自為司空行車騎將軍事建安十  
三年始自為丞相恐雲長亦未必肯先稱渠為丞相也宋人  
有詠漢壽亭侯十八詩其曰誅文醜戰蔡楊斬華雄皆非  
侯事正史無可據其曰義釋曹操指赤壁戰後尤屬妄語六年



九月曹操擊劉備於汝南羽從備奔荊州就劉表十二年劉備

就見諸葛亮於襄陽隆中情好日密羽與張飛不悅備解之曰

孤之有孔明猶魚之有水也願諸君勿復言羽飛乃止十三年

劉表卒侯隨先主在荆曹操定荊州備自樊將南渡江別遣羽

乘船數百艘會江陵操追備至當陽長阪備斜趣漢津適與羽

船相值共至夏口蜀記曰初劉備在許與曹公共獵獵中眾散

怒曰往日獵中若從羽言可無今日之困備曰是時亦為國家

惜之耳若天道輔正安知此不為福邪裴松之云備後與董

承等結謀但事泄不克諳耳若為國家惜曹公其如此言何羽

若果有此勸而備不肯從者將以曹公腹心親戚寔繁有徒事

不宿構非造次所行曹雖可殺身必不免故以孫權遣周瑜魯

肅等與劉備迎擊曹操於赤壁大破之操引軍還赤壁在蒲圻

備從魯肅計進往鄂縣之樊口諸葛亮詣吳未還備聞曹公軍

下恐懼曰遣邏吏於水次候望權軍吏望見瑜瑜馳往白備備

曰何以知之非青徐軍飛吏曰以舡知之備遣人慰勞之瑜曰

彼欲致我今自結託於東而不往非同盟之意也乃乘單舸

往見瑜問曰今拒曹公深為得計戰卒有幾瑜曰三萬人備曰

恨少瑜曰此自足用豫州但觀瑜破之備歎呼魯肅等共會語

瑜曰受命不得妄委署若欲見子敬可別過之又孔明已俱來

不過三兩日到也備雖深愧異瑜而心未許瑜之能必破北軍也

孫盛曰劉備推才震必亡之地告急於吳而獲奔助無緣復顧

望江渚而懷後計江表傳之言當是吳人欲專美之辭問按

魏書程昱傳太祖征荊州劉備奔吳論者以為孫權必殺備昱

州威振江表推雖有謀不能獨當也劉備有英名聞天下初舉荆

萬人之敵也推必資之以禦我難解勢分備資以成又不可得

而殺也推果多與備兵以禦太祖又諸葛亮語孫權云豫州軍

雖敗於長坂今戰士還者及關羽水軍精甲萬人可見當時羽

飛皆在軍中而孫權不見十四年孫權表劉備領荊州牧周瑜分

能獨破曹操也亦可見

以給備備立營於油口

備乃封拜元勳以羽為襄陽太守邊寇

將軍駐江北揚儀字威公襄陽人也建安中為荊州刺史傳十

五年劉備以周瑜所給地少往見孫權求都督荊州周瑜言於

權曰劉備以梟雄之姿而有關羽張飛熊虎之將必非久屈為



人下者今猥割土地以資益之聚此三人俱在疆場恐蛟龍得雲雨終非池中物也權不從是年周瑜卒魯肅代之肅勸權以

荆州借劉備與共拒曹操權從之曹操聞孫權以荆州業劉備方作書筆落於地呂蒙

謂肅曰卿今與關羽為鄰斯人長而好學讀左傳略皆上口梗

亮有雄氣頗自負好陵人今與為對當有單復以卿待之因密

為肅畫策見江表傳按當時士大夫不知大義不擇所從而反運籌設策讐害忠良其為悖謬可勝言哉十六

年益州牧劉璋遣法正迎劉備使擊張魯留諸葛亮與羽等守

荆州備將數萬人入益州十七年曹操征孫權權呼劉備自救

備貽璋書言孫氏與孤本為唇齒又樂進在青泥與羽相拒青泥

在宜都枝江兩界今不往救羽則曹操必取荆州轉侵州界其憂甚於

張魯也因求益萬兵及資糧璋但許兵四千餘皆給半備乃還

璋十九年拜羽董督荆州事諸葛亮張飛等將兵沂流分定

郡縣與備會於成都益州既平賜諸葛亮法正張飛及引金各

五百斤銀千斤錢五千萬錦千匹羽聞馬超來降舊非故人羽

書與諸葛亮問超人才可誰比類亮知羽護前乃荅之曰子起

兼資文武雄烈過人一世之傑黥彭之徒當與益德並驅爭先

猶未及髯之絕倫逸群也羽美髯故亮謂之髯羽省書大悅以

示賓客羽嘗為流矢所中貫其左臂後創雖愈每至陰雨骨常

疼痛醫曰矢鏃有毒毒入於骨當破臂作創刮骨去毒然後此

患乃除耳羽便伸臂令醫劈之時羽適請諸將飲食相對臂血

流離盈於盤器而羽割炙引酒言笑自若二十年初劉備在荆

州孫權遣孫瑜取蜀備不聽軍過使羽屯江陵張飛屯梯歸諸

葛亮據南郡備自任孱陵權召瑜還及備圖劉璋使羽守江陵

與魯肅數生疑二備得益州權令人求荆州諸郡備不許權遂



置長沙零桂長吏羽逐之權遣呂蒙率眾進取備遣羽爭三郡

羽將三萬兵至益陽魯肅任益陽與羽相拒問按甘宇傳羽在益陽自選銳士五

千人投縣上流十餘里淺瀨云欲夜涉渡寧將兵夜往對之羽任不渡而結柴營今遂名此處為關羽賴夫忠義之士身所經歷人即以其姓名名其地肅邀羽相見各駐兵馬百步上但諸

將軍單刀俱會肅因責羽以不返三郡羽曰烏林之役烏林在赤壁北

左將軍身在行間寢不脫介勦力破敵豈得徒勞無一塊壤而

足下來欲收地耶肅曰國家本以土地借卿家者卿家軍敗遠

來無以為資故也今已得益州既無奉還之意但求三郡又不

從命語未究竟坐有一人曰夫土地者惟德所在耳何常之有

肅厲聲呵之辭色甚切羽操刀起謂曰此自國家事是人何知

目之使去見魯肅傳問竊以為是人也所謂君子之人而有尚德之心也當時惟劉先主聲大義於天下非有德而

何有土有人亦惟先主宜然而肅乃欲以口舌爭之難可與言天道矣是人之姓湮沒無聞惜哉會操將攻漢

中備乃求和於權遂分割湘水為界於是罷軍備使羽守江

陵二十三年京兆金樟與少府耿紀司直韋晃等起兵討曹操

時羽疆盛晃等南引羽為援不克而死南陽間昔徐從宛守將矣音與吏民共起兵與

羽連和亦不克有成而死問按當時之人慎操之篡弒與操之征求恨不食其肉但無力耳一旦先主勢成關侯疆盛正人心屬望倚賴之時使非孫權之謀章鄉之禍則天下二十四年

響應炎漢復興如反手耳而事之不濟豈獨天哉噫備立為漢中王其群下表於漢帝官衛羽稱盪寇將軍漢壽亭侯拜羽為前將軍假節

鉞遣司馬費詩即授羽印綬羽聞黃忠為後將軍怒曰大丈夫

終不與老兵同列不肯受拜詩曰夫立王業者所用非一昔蕭

曹與高祖少小親舊而韓陳亡命後至論其班列韓最居上未

聞蕭曹以此為怨今漢中王以一時之功隆崇漢室然意之輕

重寧當與君侯齊乎且王與君侯譬猶一體同休等威禍福共

之愚謂君侯不宜計官號之高下爵祿之多少為意也僕一介



置長沙零桂長吏羽逐之權遣呂蒙率眾進取備遣羽爭三郡

羽將三萬兵至益陽魯肅任益陽與羽相拒問按甘宇傳羽在益陽自選銳士五

千人投縣上流十餘里淺瀨云欲夜涉渡寧將兵夜往對之羽往不渡而結柴營今遂名此處為關羽賴夫忠義之士身所經歷人即以其姓名名其地

將軍單刀俱會肅因責羽以不返三郡羽曰烏林之役赤壁北

左將軍身在行間寢不脫介勦力破敵豈得徒勞無一塊壤而

足下來欲收地耶肅曰國家本以土地借卿家者卿家軍敗遠

來無以為資故也今已得益州既無奉還之意但求三郡又不

從命語未究竟坐有一人曰夫土地者惟德所在耳何常之有

肅厲聲呵之辭色甚切羽操刀起謂曰此自國家事是人何知

目之使去見魯肅傳問竊以為是人也所謂君子之人而有尚德之心也當時惟劉先主聲大義於天下非有德而

何有土有人亦惟先主宜然而肅乃歎以口舌爭之難可與言天道矣是人名姓湮沒無聞惜哉會操將攻漢

中備乃求和於權遂分割湘水為界於是罷軍備使羽守江

陵二十三年京兆金禕與少府耿紀司直韋晃等起兵討曹操

時羽疆盛晃等南引羽為援不克而死南陽問若徃役宛守將

羽連和亦不克有成而死問按當時之人憤操之篡弒與操之征求恨不食其肉但無力耳一旦先主勢成閑侯疆盛正人心屬望倚賴之時使非孫權之謀章紳之禍則天下

響應炎漢復興如反手耳而事之不濟豈獨天哉噫二十四年

備立為漢中王其群下表於漢帝官衙羽拜羽為前將軍假節

追司馬費詩即授羽印綬羽聞黃忠為後將軍怒曰大丈夫

不與老兵同列不肯受拜詩曰夫立王業者所用非一昔蕭

曹與高祖少小親舊而韓陳亡命後至論其班列韓最居上未

聞蕭曹以此為怨今漢中王以一時之功隆崇漢室然意之輕

重寧當與君侯齊乎且王與君侯譬猶一體同休等戚禍福共

之愚謂君侯不宜計官號之高下爵祿之多少為意也僕一介

羽

柳

柳



之使銜命之人君侯不受拜於是便還但相為惜此舉動恐有

後悔耳羽大感悟遽即受拜廖化字元儉本名涪襄陽人也為前將軍關羽主簿是年羽

使麋芳守江陵傅士仁守公安自率眾攻曹仁於樊北曹操遣

于禁助仁八月大霖雨漢水汎溢禁所督七軍皆没禁等遂降

將軍龐德船覆為羽所得斬之城中人馬

才數千人城不沒者數板羽乘船臨城立圍數重外內斷絕羽

又遣別將圍將軍呂常於襄陽荆州刺史胡修南鄉太守傅方

皆降問按經目於此書八月漢中將關羽取襄陽夫天下者漢之天下也漢中王備漢之宗室也關羽張飛諸葛亮等數

公皆有相漢之心也襄陽為財採所有而羽取之書之於策所以

王陸渾民孫狼等起兵殺縣主簿南附羽受羽印號為之支黨

自許以南徃徃遙應羽羽威振華夏曹操議徙許都以避其鋒

司馬懿蔣濟曰孫權劉備外親內疎關羽得志權必不願可遣人

權權躡其後許割地封權則樊圍自解操從之初魯肅常勸孫

權以曹操尚存宜撫輯關羽與之同仇不可失也及呂蒙代肅

密言於權勸其取羽權嘗為其子求婚羽罵辱其使不許婚

曰羽圍樊權遣使來助之勅使莫速進以遺主簿先致命於羽羽忿其淹遲又自己得于禁等乃罵曰貉子敢爾如使樊城拔

吾不能滅汝邪權聞之知其輕已偽手書以懈羽計以自往裴松之云荆吳雖外睦而內相猜防故權之襲羽潛師密發按

呂蒙傳云伏精兵於艤之中使白衣搖櫓作商賈服以此言之羽不求助於權權必不詔羽當往也若許相援助何故匿其

形迹權大怒至是蒙上疏言羽討樊而多留備兵必恐蒙圖其

後也蒙嘗有疾乞還建業以治疾為名羽聞之必撤備兵盡赴

襄陽大軍浮江馳上南郡可下也遂稱病召還陸遜謂蒙曰關

羽接境如何遠下後不當可憂也蒙曰誠如來言然我病篤遜

曰羽矜其驍氣陵轢於人始有大功意驕志逸但務北進未嫌於我有相聞病必益無備今出其不意自可禽制蒙曰羽素勇



猛既難為敵且已據荊州恩信大行膽勢益盛未易圖也及權以陸遜代蒙遜為書與羽偽為譙抑盡忠自托羽稍撤備兵遜

具啓形狀權遂發兵襲羽曹操使徐晃救曹仁蜀記曰羽與晃宿相愛遙共語

但說平生不及軍事須臾晃下馬宣令得閱雲長頭賞金操自

駐軍摩陂前後遣殿署等凡十二營詣晃羽圍頭有屯又別屯

四冢晃揚聲當攻圍頭而密攻四冢羽自將步騎五千出戰晃

擊之退走羽圍塹鹿角十重晃追羽與俱入圍中破之羽遂撤

圍退然舟船猶據沔水襄陽隔絕不通呂蒙至尋陽盡伏其精

兵使白衣搖櫓作商賈服晝夜兼行羽所置江邊屯候盡收縛

之是故羽不聞知遂到南郡問按魏書徐晃所將多新兵以羽難與爭鋒屯軍未進曹操遣將軍

徐商呂建等詣晃令曰須兵馬集至乃俱前前後後遣殿署朱蓋

等凡十二營詣晃是何其畏羽也然後終戰羽雖撤圍軍退伏

舟舡猶據沔水襄陽隔絕不通勝負未分也惟是呂蒙潛軍

馳一誘降二城羽走向荊而大事始去矣曹操統天下之

植探國家之長城其為漢賊一也麋芳士仁皆嫌羽輕已羽之出軍芳仁供給

軍資不悉相及羽言還當治之芳仁咸懼不安於是權誘之芳

仁皆降吳錄曰初南郡城中失火頗焚燒軍器羽以責芳權至

江陵使陸遜屯夷陵守峽口以備蜀羽西保麥城孫權使誘之

羽偽降立旛旗為象於城上因遁走兵皆解散纔十餘騎權

先使潘璋等斷其徑路十二月與子平及都督趙雲等被害於

章鄉孫權以諸侯封其屍骸羽圍樊城襄陽呼劉封孟達

羽初出軍圍樊夢猪噬其足誣子平曰吾今年衰矣然不得還

問按經目於此書冬十月孫權使呂蒙襲取江陵魏王操帥

師救樊關羽走還孫權遂斬之十二月蒙卒善法云蒙為大督

其卒也不具官何罪蒙也劉孫同仇而蒙首該相吞之謀此魏

孫權而蒙之卒不書官經目於蜀漢吳魏及晉諸臣卒不書官

者呂蒙孫峻陳柘劉穆之四人焉夷蒙於數子經目罪之深矣

又曰呂蒙為襲取江陵之計何以書曰權使關羽死於潘璋

擊之手何以書曰權遂斬之是時劉孫同仇討操而權乃自相攻

擊遂使鬼域得志勝勢益張其失蓋在此舉書法若此所以歸



罪孫推著其無胡漢之心有助桀之惡目呂蒙未及受封而卒即書於下又以見天道不遠之意云追謚羽曰壯

繆侯按帝神景耀三年追謚故將軍關羽等子興嗣興字安國少有令問丞相諸

葛亮深器異之弱冠為侍中中監軍數歲卒子統嗣尚公主官

至虎賁中郎將卒無子以興庶子彞續封蜀記曰龐德子會隨

關氏為帝廢漢帝為山陽公或傳帝見害二十六年四月漢中王即皇帝位改元章武先皇是二十五年曹丕自立

東征秋七月遂率諸軍伐吳群臣諫者甚衆皆不聽孫權遣書

請和帝盛怒不許吳諸葛瑾因致牋曰關羽之親何如先帝荆

州大小孰與海內俱應仇疾誰當先後若審此數易於反掌帝

不聽裴松之云劉后以庸蜀為關河荆楚為維翰關羽楊兵汚

經曰孫權潛包禍心助魏除害是為剪宗子勅士之師行曹公

與有若四射股肱橫虛憤痛已深豈此奢問之書所能迴

能為興軍報敵於終始之分不足初車騎將軍張飛雄猛

於關羽羽善待卒伍而驕於士大夫飛愛禮君子而不恤小人

帝常戒之飛不悛至是當率軍萬人會江州臨發為其帳下所殺



義勇武安王集卷之二

世系圖

關龍逢

羽

平

興

統 彛

朗 播

胡琦云關氏之先出夏大夫關龍逢一云關令尹喜之後也侯居河東為著姓其世家可究見者三世侯生二子曰平曰興不知其孰為長幼興字安國必有令聞丞相諸葛亮深器異之隨先主在蜀侯既歿以興嗣封漢壽亭侯官至侍中中監軍數歲卒子統嗣封尚公主官至虎賁中郎將統卒無子以興庶子彛



嗣封關氏與涿郡張氏琅邪諸葛氏皆為季漢世臣蜀記謂魏將軍龐德之子會隨將軍鍾會鄧艾入蜀盡滅其家然今關氏譜曰漢前將軍漢壽亭侯羽生侍中興興生統彞其後居信都裔孫播唐德宗時為宰相以此考之蜀記容有逸事矣予以為謂關氏懷忠蹈義豈絕其嗣乎平至宋崇寧元年賜廟額曰昭貺封武靈侯慶元初荆門守臣高子溶請加爵號又封威顯今稱武靈威顯侯 判曰史云鄧艾入蜀盡滅關氏之家夫隨雲長居蜀者或止二三子而關氏宗族在解者未必盡隨况興後傳統傳彞凡三世則已在艾入蜀之後時不相值而後魏關朗唐關播史志及關氏家譜及解人世傳又皆云雲長之裔此又何以辨也無乃魏晉間篡竊相踵姦邪摩肩深妬忠義有是言乎 凡判曰皆淫野之言

### 遺跡

雲長善墨竹有石刻四片

國朝宣德四年徐州僧正廣善創建鉄佛寺因剷地得之今存石刻其葉錯亂成文曰不謝東君意丹青獨立名莫嫌枝葉淡終久不凋零

### 擲甲山

按一統志在荆州府城龍山門西北隅漢將軍關羽棄甲於此故名今有羽廟在焉

### 掇刀石

在荆門州南二十里蜀漢將關羽往來荆襄於此屯兵掇刀在上痕蹟尚存旁有羽廟

### 江陵城



即府城蜀漢關羽所築晉時桓温增修之

關王嶺

在京山縣治北上平如掌有球場及故城壘

卓刀泉

在武昌東城東一十里漢昭烈郊壇下世傳關羽嘗卓刀於

此泉側今有羽廟

直隸和州含山縣西七十五里亦有卓刀泉云羽卓刀又云飲馬池謂羽飲馬於此

關羽洞

在漢陽府大別山之右其洞乃一巖穴三國時蜀將關羽嘗

憩此故名傍有武安王廟一名藏馬洞

磨刀石

在漢陽府關羽廟舊傳關羽磨刀處又大別山頂亦有此石

飲馬泉

在襄陽府城西南一十里舊傳關羽嘗飲馬於此

樊城

在府城北漢江上與襄陽對峙即周仲山甫所封樊國關羽

圍曹仁于樊即此西魏於此立安養縣唐改為臨漢縣





常平塚圖

常平塚圖



金大定十七年建漢關氏祖宅塔記州人律學張開撰記曰義勇武安  
 王世祖解人與于漢靈帝中平元年甲子輔蜀先主佐漢立功  
 伏以大王勇畧天資英謀神授盡忠義于先主不避艱難棄富  
 貴于曹公豈圖爵祿當時志氣曾分主上之憂今日成靈猶加  
 生民之福今者本社人王興將一千五十四年前祖塔重加  
 完葺伏願神靈降佑一境之中萬事清吉風調雨順國  
 泰民安命開為記畧紀大王威德之萬一深負惶恐 判曰  
 絲權襲殺雲長乃以侯禮厝葬則雲長雖死猶能使權畏其忠  
 義今常平有雲長先世塚上有危塔僅在中條山麓而鹽池當  
 其後其盤踞山川之秀宜為王之所鍾而章鄉之塚亦倚山面  
 泉則王生死之地皆據南北之勝亦不偶哉



王泉塚圖

臨沮






琦云塚在當陽縣王陽鄉去縣二里其地即古之章鄉也侯於  
於建安二十四年己亥十二月史失其日計今大德十年丙午  
巳千有八十八年以吳歷考之孫權以諸侯禮葬之荆門志曰  
先主以宗室子討漢賊仲謀雖助孟德襲殺雲長猶葬以侯禮  
其心固有不可欺者惜乎仲謀不能克是心也予以謂斯言盡  
之今塚以大王為號每歲清明鄉人相率上塚如拜掃之禮宋  
淳熙十五年荆門守臣王銖始建祭亭環以垣墻樹以松柏經  
端平甲午之變塚塋翳然自至元十二年荆門歸附之後玉泉  
住山慧珎翦其荆榛封其丘隴重作行祠門以表之命僧看管  
四時修護山門仍舊上塚祭真歲以為常 判曰雲長遇害於  
章鄉夫當陽人於雲長非有袒免之戚骨肉之愛然至今築塲  
立廟種樹營垣每當清明士女祭掃雖於宗祖父母不啻過



焉豈真雪長神呵鬼命有以致之哉蓋其忠義之氣正大之情  
入民骨髓醉人心志歷久不衰云爾彼孫權君臣徒欲詭順曹  
瞞仇滅漢基謀斃烈士于一旦而不能遏其萬代景仰之心姦  
人愴夫之見類不能高遠如此夫

崇寧宮圖





祭品圖

榛鹿脯 羊

栗 棠魚

棗 芡 燭

爵 鹽 菱

王位 爵 帛 羨 黍稷

稻梁

爵 韭 醢醢

菁 鹿醢

燭

芹 兔醢

笋 魚醢

豕

武安王廟在解州城西門外百步許南面條山北連硝水按古

記云建自宋大中祥符甲寅乃王假陰兵破蚩尤之時勅修至

元祐壬申又勅重修歷元及國朝修飾不一其廟之規制時

之歲月悉載于後碑文內每歲至王壽旦及受封之日 晉府

及本州運司官各致祭焉居民遠近爭趨享賽絡繹不絕 判

曰今崇寧宮建自有宋負硝池面條山殿皆石柱雕龍飛騰歷

代增修規益宏麗甲于天下其祭舊皆於王封爵之四月八日

然多鄉人旅賽或雜劇戲質無定體自弘治三年監生蒲昭奏

立春秋二祀而後儀注品物畧如祭孔廟式矣又有祭田數百

畝夫解王生長之地而王忠義能激頑懦誠直能屈姦慝不特

有功漢室也我 孝廟敬皇帝追崇之典超邁前古昭茲英烈用敦綱紀其旨深



遠矣哉

五

卷

三

玉泉顯烈廟圖





琦曰廟名顯烈在當陽縣西二十五里玉泉景德禪寺之西北隅循廟面東又有廟曰昭貺即侯之子平也俗呼為三郎廟按荆門志曰廟興于陳梁間蓋始于智顛大師開山之時也歷隋至唐咸祀事之貞元十八年荆南節度使江陵尹裴均廣其祠宇攝當陽令張儂實董其役五代亂無所考見亡宋時列在祀典大中祥符六年命荆門軍以公錢修葺故廟元豐之末住山承皓撤而新之紹聖三年五月賜廟額曰顯烈其後加恩於建炎錫命于淳熙自寶祐之末干戈擾攘迄咸淳之初邊境繹騷神物不寧別建行祠於萬城以奉香火大元混一江南遍修群祀各復其初至元十四年住山慧珎來自江陵以葺廢為已責并力營之二十七年作正廟又作昭貺廟悉復舊觀至大元年秋今住山廣鑄以歲深屋老與前住山師宣建議改于廟後岡





上使其徒福錫監工作郭興為作司遂起正殿三間名曰武安廟貌雄威冠服之制並用王儀又于殿前因山為基積石為岸築數仞之臺構亭其上東西周以步廊峻以磴道又砌建雙祠以掖故廟左曰感應右曰協應輪奐之美朽壤之功莊嚴之妙甲于一方皆鑄公規畫也沙門志觀廣銘惠溥等俱有勞焉延祐二年秋庶工告畢山門作佛事以慶其成予親觀盛事荆楚之人相傳以顯烈六月二十二日生昭貺五月十三日生雖傳記不載是日朝拜祭賽者遠近輻湊判曰據琦言顯烈廟固為一方之勝然以今崇寧宮視之其勝尤偉蓋王雖歿于章鄉而英靈尤顯于所生之地故民水旱災疫禱多應之宜其廟又非玉泉比也

### 追封爵號

漢後主景耀三年追謚杜繆侯

宋徽宗崇寧元年追封忠惠公

大觀二年加封武安王

宣和五年勅封義勇武安王

高宗建炎二年加封杜繆義勇王

淳熙十四年加封英濟王

琦曰蜀志曰景耀三年九月追謚故將軍關羽張飛馬超龐統黃忠鄭南加封記曰宋崇寧元年追封忠惠公大觀二年加封武安王李燾續通鑑長編曰宣和五年正月己卯禮部奏關羽勅封義勇武安王今以從祀武成王廟契勘從祀諸將例不顯謚號合稱蜀將武安王從之徽宗實錄曰武安王關羽加義勇王燾以謂禮部死奏乃是去義勇實錄誤也據此則宣和以前已



有義勇武安之號今按鄭南所記與長編小差恐鄭南失考荆門志曰建炎二年三月二十五日加封杜繆義勇淳熙十四年十一月二十一日加封英濟與鄭南記同以此考之義勇之號至建炎而復舊今稱杜繆義勇武安英濟王判曰今自知州林元叙請諸巡按御史止稱義勇武安王去其杜繆謂杜與勇同而繆與謬同以蔡邕獨斷曰名實過爽曰謬也然本傳杜繆與穆同猶周穆王秦繆公之繆也謂繆為謬者恐亦或誤歟

### 制命

顯烈廟神封告

忠惠公告闕

武安王告闕

杜繆義勇王告

建炎三年三月二十五日加封杜繆義勇王告辭略曰肆摧姦

宄之鋒大拯黎元之溺餘文不載見荆門志

英濟王告勅生立大節與天地以並傳沒為神明亘古今而不朽荆門軍當陽縣顯烈神杜繆義勇武安王名著史冊功存生民一方所依千載如在凡有禱于水旱雨暘之際若或見于蒸蒿悽愴之間英烈言言可畏而仰廟貌奕奕雖遠益新爰啓王封仍加美號豈特顯爾神威德之盛亦以慰此邦父老之情尚祈靈聰服我休顯可特封杜繆義勇武安英濟王奉勅如右牒到奉所告杜繆義勇武安英濟王奉勅如右牒到奉行  
五年十一月二十一日

右丞相臣必大 參知政事臣燧 給事中臣獻 中書舍人

臣 袁 十一月二十一日都事李受



樞密院檢詳文字兼左司車公亮付吏部 吏部尚書 吏部  
侍郎師魯權負外郎 主管院 主事 令史劉世榮 書令  
史徐元恭

國朝祀典

漢前將軍壽亭侯關公廟

南京 四孟歲暮遣應天府官祭五月十三日又遣南京太  
常寺官祭

京師 五月十三日遣太常寺官祭 見大明會典

襄陽名宦三國關羽

蜀漢昭烈以為襄陽太守盪寇將軍羽攻曹仁于樊圍呂常  
于襄破降于禁威震華夏曹操議徙都以避其銳

附習珣

關公忠勇捐身國事英濟廟食當陽之王泉建今千載之下凜  
凜若生四方依嚮真祀不絕曰雨曰暘其應如響每歲寺中必  
為大籠餅以祭極於潔精方曝麥於庭鼠雀不敢近有犯輒自  
歿以此人咸敬而畏之紹興中洞庭漁人獲公壽亭侯印競以  
為金報于官納長沙庫中時有光焰吏不敢安之移文荆門送還  
公廟印徑二寸其制甚古印鈕有連環四面兩相貫上有一大  
環總之所以佩也淳熙四年冬元菴真慈摹畫印狀具本末將  
獻于東宮是夕印留方丈光發于函輝燭楹廡亦異矣哉噫公  
之歿世寢遠城郭丘隴日就荒蕪而佩章獨存畧無訛缺自非  
神物護持安得如此其久且全耶寺有仁宗皇帝所賜龍眉龍  
角二物宜與此印同歲名山永為鎮寶焉予與元菴為方外遊  
遠訪雲蹤悉所經見故得而詳之如公平時忠烈具載蜀志沒



後威靈顯烈則見于前人碑碣茲弗及也

淳熙十六年建加封英濟王碑記

荊州軍學教授蕭軫撰

為臣而忠于君世固有之均于忠而處之難者為可尚社金革至死不厭非難也當其義利之未分是非之莫辨而見之在我者一定誠難也胥不盡忠於楚而盡忠於吳忠不足推也平不謀於項而謀於劉義不足取也三國鼎峙漢祚已移天下英雄豪傑雲合響應孰不願為曹公執鞭弭以驅馳者壯繆嘗受曹之恩矣其於先主君臣之分未定也惓惓于先主不渝其初非見之明守之確行之剛者詎能爾邪天數人事不符功業垂成山虧一篔遺英餘烈猶為千載之福澤何其盛哉記謂能禦大災能捍大患者祀之邦人於王食焉必祀事焉必咨矣求弗獲

義勇武安王集卷之三

論說

附蜀志  
數條

劉備既得益州徵士傅幹曰劉備寬仁有度能得人死力諸葛亮達治知變止而有謀而為之相張飛關羽勇而有義皆萬人之敵而為之將此三人者皆人傑也以備之畧三傑佐之何為不濟也

呂蒙舉軍西上麋芳開城出降蒙未據郡城而作樂沙上翻謂蒙曰今區區一心者麋將軍也城中之人豈可盡信何不急入城持其管籥乎蒙即從之時城中有伏計因翻謀不行

潘濬武陵人也為荊州治中典留州事亦與羽不合孫權襲羽遂入吳麋竺為安漢將軍弟芳與關羽共事而私好攜貳叛迎孫權以致覆敗竺固縛請罪帝諭以罪不相及崇待如初竺慙恙



發病歲餘卒

帝禪建興六年諸葛亮伐魏表略云夫難平者事也昔先帝敗軍於楚當此時曹操拊手謂天下已定然後先帝東連吳越西取巴蜀舉兵北征夏侯授首此操之失計而漢事將成也其後吳更違盟關羽毀敗秭歸蹉跌曹丕稱帝凡事如是難可逆見臣鞠躬盡力死而後已至於成敗利鈍非臣之明所能逆覩也

以上見蜀志

問按章鄉一敗繫漢室興亡關荆吳氣數區區

呂蒙但知算無遺策孫權同舟搆難唇齒相攻豈得謂之智哉是時權即稱臣於魏明年而曹丕廢帝自稱皇帝矣昭烈謂孔明曰君才十倍曹丕使當時孫劉之盟不肯鼎足之勢常存併力制魏則天下事未可知曹丕未必如是之肆也權可勝罪哉

### 唐氏關曹論

曹公與雲長孰賢眉山唐氏曰羽為曹公所厚而終不忘其君可謂賢矣然戰國之士亦能之曹公得羽不殺厚待而用其力可謂賢矣然戰國之君亦能之至羽必欲立效以報公然後封還所賜拜書告辭而去進退去就雍容可觀殆非戰國之士矣曹公知羽必去重賞以贖其歸戒左右勿追曰彼各為其主也內能平其氣不以彼我為心外能成羽之忠不私其力於己是猶有先王之遺風焉 判曰譎詐之徒或一假仁如此操未可與羽並論也

陳氏曰關羽張飛皆稱萬人之敵為世虎臣羽報效曹公飛義釋嚴顏並有國士之風然羽剛而自矜飛暴而無恩以短取敗理數之常 判曰陳氏亦以成敗論人物矣

湖北安撫使知鄂州王庶慶陽人崇寧五年進士上言荆州左



吳右蜀利盡南海前臨江漢出三川涉大河以圖中原曹操所以畏關羽者也上大異之見楚紀

### 胡琦蜀漢論

琦論蜀漢以問雲長蜀將軍也實錄稱漢不稱蜀者何荅曰蜀郡名漢國號建安二十四年先主王漢中拜雲長為前將軍是時天子在許都先主表而授之如此則受天子宫也而况雲長之沒又在此年之冬乎以蜀稱之非實錄也明年魏氏代漢降天子為山陽公又明年先主始稱帝於成都改元章武立漢宗廟初未嘗以蜀建國號也其後陳氏志三國時事分別為蜀魏是因而不改至司馬氏修通鑑以漢紀之而不以承漢統蓋魏受漢禪故也及朱氏作通鑑綱目與司馬氏議論不同以魏雖受漢禪其實篡也先主雖保巴蜀乃漢室之胄也於是

魏正其名曰漢云

### 胡琦赤壁考

鄂州志曰按元和郡縣志曰赤壁在蒲圻西百二十里北岸烏林與赤壁相對即周瑜用黃蓋策焚曹公船處今江漢間言赤壁者有五漢陽漢川黃州嘉魚江夏惟江夏之說近古而合中又黃州志曰按水經載赤鼻山齊安拾遺遂以赤鼻山為赤壁山以三江下口為夏口以武昌縣華容鎮為曹公敗走華容道其說乖謬蓋周瑜自柴桑至武昌縣樊口而後遇於赤壁則赤壁當在樊口之上今赤鼻山在樊口對岸何待進軍而後遇之乎又赤壁初戰曹公軍不利引次江北而後有烏林之敗則赤壁當在江南岸今赤壁乃在江之北非也然蘇子瞻赤壁賦乃疑似語而大江東去之詞又可見矣 琦按赤壁鄂州黃州二



志講求其地可謂的實大抵漢陽之赤壁在臨嶂山漢川之赤壁在漢川縣嘉魚之赤壁未詳所在蓋周瑜自柴桑沂流而上與曹公相遇於赤壁則赤壁當臨大江臨嶂及漢川皆非臨江處惟江夏之赤壁在蒲圻東控夏口西接華容曹公既敗之後即從華容道步走故鄂州志以江夏之說為近古而合中而黃州之赤壁在赤鼻山黃州志說之詳矣予今取江夏之說胡氏讀史管見曰劉備失荊州非獨關羽之罪也主相皆有責焉雲長義勇雄緊萬夫敵也而短其謀雖撫恤卒伍得衆心矣而不禮士大夫委糜芳傅士仁以腹心之地寄莫重焉乃已所素輕者又聲言將治其罪與吳為犄角以當曹操宜通和好申固情義乃不許其婚以辱罵其使是自求敗也然則主相何責乎數千里出軍而不置謀主也判曰絕婚之事非胡氏所能知雖微芳士仁之內叛勢亦不能振蓋漢氏自絕於天久矣

關羽爵謚考

篁墩程敏政禮部侍郎

關將軍羽仕漢封漢壽亭侯謚壯繆而今之祠者止題曰壽亭侯不書謚意以漢為國名故不書以繆為惡謚故削之為神諱也以予觀之爵既已脫誤而諱書謚者尤非考之史漢壽本縣名在犍為史稱費禕遇害于漢壽而唐人詩亦曰漢壽城邊野草春是已夫漢壽者封邑而亭侯者爵也東漢之制有縣侯有鄉侯有亭侯皆以寓食入之多寡今去漢而以壽亭為封邑誤矣又昭烈勸進表其首列銜曰前將軍漢壽亭侯關某若以漢為國名則不當以之錯置于職名之下至于謚法武功不成曰繆而繆穆古通用若秦穆公魯繆公在孟子漢穆生晉穆彤在史皆為繆蓋傷羽之死國故以壯繆節惠而宋岳飛謚武穆意



與此同今乃諱之以為惡謚豈理也哉神之祀號在古為重而世俗踵弊積無知者故為訂之

讀將鑑博議

前人

凡為將者當觀其大節之何如而不當計其事功之成敗予嘗慨夫戴溪之論關羽也其言曰羽輕信寡謀貪前利而忘後忌矜已傲物犯眾怒而失人心意以羽嘗逐權之置吏罵權之請婚而乃受呂蒙之詐虛內攻外至於敗亡為輕信寡謀之過又以為羽之攻樊也嘗以軍資不給將還治糜芳傅士仁之罪故吳兵一動二子皆降夫一介之士必有死友羽為主將不能以息撫下使眾叛親離為矜已傲物之過嗚呼羽之在許也曹操察其無留意而使張遼問之羽嘆曰吾極知曹公待我厚然吾受劉將軍恩誓以共死當立效以報乃去耳其後解白馬之圍

盡封其所賜而奔昭烈然則悼天下之大信者羽也昭烈當與曹操共獵羽欲殺操昭烈不從夫孔明以王佐之才至於操曰此誠不可爭鋒使當時從羽之言則漢室中興可以為有成之韓權矣羽之下襄陽斬龐德降于禁也威震華夏操議徙許以避其銳無謀而能若是乎然則負天下之大謀者羽也權與昭烈既分荊州則權乃漢臣方將戮力王事以圖犄角之功不可謂之虛內曹操脅天子以令諸侯不可謂之攻外至於荊州之分吳人以昭烈為無功不當得而溪亦以為然予獨以為曹操之東下也魯肅親謂權曰劉豫州天下梟雄與操有隙如使豫州撫劉表之眾同心治操天下可定也孔明請援於權權亦謂非劉豫州莫可以當操者夫豈以昭烈身之勇兵之強哉實江東之人欲藉重於王室之胄庶操之逆而我為正耳蓋操逆我



正則神必相其役而士思奮有必勝之理使赤壁之下非昭烈親在行間則權操均賊勝否不可以逆正決矣荊州分地昭烈豈無謂而得之者哉權無故欲并之而置三郡長吏則直在漢曲在權羽之逐之宜耳忍辱而婚其讐春秋之所非也權既反覆小人羽烏得而婚之矧羽知春秋識禮義而權以妹妻昭烈之事又自可鑒羽之絕之亦宜耳軍資不給當以軍法從事使羽不加之意則失其所以為將者矣知人之指聖堯猶難羽亦烏能逆料芳與士仁襲漢之衣冠而甘為臣虜者哉凡若此者謂之矜已傲物吾不知其可也羽之善待卒伍見稱於昭烈而溪謂羽不能以恩撫下昭烈於羽情若兄弟其死也棄中原之讐為伐吳之舉千載之下得死友者莫如羽而溪以是譏之是皆近於誣矣乃貪前利而忘後患可以誡孫權犯衆怒而失人

心可以誡曹操皆不可以誡羽何也昭烈跨有益州漢中之地帶甲百萬而孔明為之臣權能保其必勝乎慮不及此而乃區區於襲羽使天尚祚漢昭烈不死兵連禍結何時而已乎故曰貪前利而忘後患者非羽也權也漢有天下四百餘年曹操一旦欲攘其位而柄其政君其人故昭烈起兵徐州則郡縣多叛曹應漢耿紀韋晃之流位不過少府司直而伐曹不克矢死無悔當時扼腕於下者可知矣故曰犯衆怒而失人心者非羽也操也為溪者何故以僭竊反逆之事務欲取而加諸忠義正直之臣乎至於篇末乃曰羽固非良將矣然古今稱之者以其忠義大節足以仰高於後代也嗟乎古所謂良將者豈獨以其勇而已哉伊尹去桀以就湯太公避紂而佐武王凡為將者莫良焉以識去就而以除殘去暴為心耳漢末群雄鼎沸袁曹勢



可以帝天下而羽委質於昭烈盡瘁乃已豈有所顧望者哉  
所謂良將若羽是矣而溪曾不之識則是重羽之無成為可惜  
而輕其大節為可後也夫成敗出於天而大節存乎人古之仁  
人志士盡其在已者耳豈能責成於天邪善乎蘇洵曰世多奇  
呂蒙之功以予所見乃小人舞智不足取也溪烏足以與此  
判曰續得此與鄙意合 程篁墩又云漢壽亭侯忠義聞天下  
先公屢嘗夢之每出師則祀於帳中

或問三國之興孰為正程伊川曰蜀志在興復漢室則正也

朱子曰學者皆知曹氏為漢賊而不知孫權之為漢賊也若孫  
權有意興復漢室自當與先主協力並謀同正曹氏之罪如何  
先主纔整頓得起時便與壞倒如襲取關羽之類是也權自知  
與操同是竊據漢土之人若先主事成必滅曹氏且復滅吳矣

之姦謀蓋不可掩平時所與先主交通姑為自全計爾或曰  
孔明與先主俱留益州獨令關羽在外遂為陸遜所襲當時只  
先主在內孔明在外如何曰正當經理西向宛洛孔明如何可  
出又曰當時處置如此若無意外齟齬曹氏不足平兩路進兵  
何可當也此亦漢室不可復興天命不可再續而已深可惜哉  
朱子曰孫權與劉備同禦曹操亦是其勢不得不合孫權若不  
與劉備即當迎降于操然此兩人終非好相識到利害處便不  
相顧劉備纔得荊州權便遣呂蒙去擒關羽

問巴蜀四塞非進取之地惟一江陵然諸葛亮不勸先主都之  
及關羽之危又不聞救之何也潛室陳氏曰江陳屬荊州武侯  
首陳取荊州之策先主不能用其後爭之于吳而不得吳止分  
數郡以與之至關羽之敗并數郡而失之况得而都之耶况荆



襄為南北咽喉在三國為必爭之地乃戎馬之場非帝之都也  
止齋陳傳良曰西漢之末士大夫知有所擇遂成東都之業及  
其季年雖豪傑之士散為吳魏之役拳拳於漢獨有南陽數人  
龍川陳亮曰余論次羽事至于禁等七軍之沒未嘗不痛恨於  
呂蒙也當是時羽威震華夏許下之民負擔而立使羽捨樊襄  
陽乘銳兵徑進雖以曹公之雄豈能禁方張之勢哉兵挫堅城  
之下而徐晃得行其志矣諸葛亮不可出蜀龐統法正之死天  
真無意于漢哉

空同李孟陽曰君子之德風小人之德草政之行風行之也關  
羽威震華夏陶侃千里不拾遺亦其風耳

孫權謂呂蒙當察事不可不學

弘齋邵經邦曰古之學何為乎美質易得至道難聞學之所以  
為誠也為信也今之學何為乎事欲求可功欲求成學之所以  
為欺也為詐也是故孫權未勸之前良心未鑿天理尚存何能  
見其刮目呂蒙既學之後後智任數呈功計能非復吳下阿蒙  
矣然則非子明之受益乃雲長之當填乎

孫權與陸遜論周瑜魯肅及呂蒙

弘齋邵經邦曰愚觀破虜之言何其不情哉公瑾之成功一葦  
蜀君臣有以激之也不以為恩而反以為誚又曰甚矣權之為  
漢賊也至其巧於用譎以襲關羽不啻掩人之盜以為勝於子  
敬充其類於穿窬之事猶可為之何怪乎稱說天命媚於瞞賊  
乎

陽節潘氏榮曰明燭以達旦乃雲長之大節

其集解云雲長臨刑烈

亂其居臣之義使后與羽共居一室羽避嫌  
執燭侍后至天明此不見於史傳姑記之



義勇武安王集卷之四

唐貞元十八年重建關將軍廟記

大理寺評事董挺撰

玉泉寺在覆船山東去當陽縣三十里巒嶂回擁飛泉迤邐信  
金人之淨界域中之絕景也寺西北三里步有蜀將軍都督荆  
州事關公遺廟存焉將軍姓關名羽字雲長河東解人公族功  
績詳于國史先是陳光大中智顛禪師者至自天台晏坐喬木  
之下夜分忽與神遇云願捨此地為僧坊請師出山以觀其用  
指期之夕萬壑震動風號雷競前劈巨嶺下堙澄潭瓌材叢仆  
周匝其上輪奐之用則無乏焉惟將軍當三國之時負萬人之  
敵孟德且避其銳孔明謂之絕倫其於狗義感息死生一致斬  
良擒禁此其效也嗚呼生為英賢沒為神明精靈所託此山之



下邦之興廢歲之豐荒於是乎係昔陸法和假神以虜任約梁  
宣帝咨神以拒王琳聆其故老安可誣也至今緇素入寺皆若  
嚴官在傍無敢褻瀆荆南節度使工部尚書江陵尹裴公政成  
事時典從禮順以為神道之教依人而行攘彼妖昏祐我蒸庶  
而祠廟墮毀廡縣斷絕豈守宰牧人之意耶乃命令張價始經  
其事爰從舊址式展新規欒檀博敞容衛端肅唯曩時禪坐之  
樹今則延袤數十圍矣神明扶持不凋不衰胡可度思初營建  
之日白龜出于新橋若有所感寺僧咸見亦為異也尚書以小  
子曾忝下介多聞故實見命紀事又豈足徵其增剏制度則列  
于碑後

淳熙五年建壽亭侯印記

廬山司馬知白撰

襄陽人為零陵北部都尉孫權殺關羽諸縣響應玠舉兵權  
遣潘濬討玠玠謂曰我必為漢鬼不為吳臣月餘糧盡曰受  
漢恩厚不得不報之以死即伏劍自殺見一統志

問按楚紀云孫權襲殺關羽習玠與樊胄

一作

等舉兵弗克

潘招降玠曰我必為漢鬼不為吳臣云云先主聞之追贈邵  
陵太守廖鳴吾曰潘濬因關羽之敗挈身歸吳後雖有功不  
足贖也又曰後之視君如弁毛視國如傳舍者濬起之也  
楚紀又云廖化居襄陽先主遣隨羽孫權襲殺羽宗人廖式  
起兵應化不克死之化為吳所執後詐死歸先主官至封侯  
按化本傳同若化亦可祀也



奚禱弗應曰雨而雨曰暘而暘王之力也疫癘不作飢饉不臻王之恩也盜賊屏息田里舉安王之陰隲也淳熙十四年襄陽王公銖世其家擁郡麾謂之王有功于民也遂列其狀于部使者而上之朝廷以求加封褒崇節槩不吝爵號增曰英濟寵渥極矣誥命以十五年十一月二十四日下奉安之日遐迩歡騰老稚夾道縱觀手加額咸曰非王之受其賜民之受其賜也其得民之深也如此哉王廟食當陽覆船之玉泉寺住山比丘慶思來請記於軫且以彰王之德侈朝廷之命于王慨慕古人觀書之際辨姦諛於既歿表忠義於已往茲軫之心亦太守王公之心也

加封英濟王碑記畧

朝請郎權發遣荆門軍兼管内勸農營田事賜緋



魚袋鄭南撰

自身仁懷懼陰謀遂行英雄稟靈託于當陽縣覆船山之下仰  
白日之馳景俯清泉之逝流不自悲悔而發于禪師智顛以事  
因緣大作佛事天造地設七日之間化成伽藍蓋自陳光大年  
開歷隋唐五代以至我宋紹興之三年始以蜀漢壽亭侯祠賜  
顯烈廟額崇寧初元進爵一等封忠惠公大觀二年乃加武安  
王號及高宗宏濟中興息封百神建炎三年併與王追謚壯繆  
義勇與武安而六淳熙戊申又加英濟而八國朝令典神祠靈  
應即先賜額以封王每加二字至八而止愛惜名器不憚生存  
究詢驗實皆有次第王之靈驗可知也矣

元祐初建關三郎廟記略

奉議郎上騎都尉賜緋魚袋張商英撰

李冰去水患廟食於蜀之離堆而其子二郎以靈化顯雲長死  
國事神憑於楚之玉泉而其子三郎以英異著者有子克家幹  
父之蠱如易之乾坤不居正位而寄功用于六子與索之而若  
虛迹之而非無福祥簡簡以介其善灾禍覲覲以驚其愚疾而  
禱之有時而瘳曠而禱之有時而濡孕玆草而發嘉禾驅魑魅  
而屏夔魍林藪幽深亡蛇虺之蟄檻穿不設亡虎豹之虞蓋人  
力有所不能者其鬼神之所司乎嗚呼關侯父子駭雄猛銳生  
於亂離之時以金革戰閔為事身死家破客魂魄於覆船山之  
下一旦遇大士發明真諦心生欣厭以剎那善念其福力遂與  
玉泉相表裏佛力之方便真不可思議哉初皓老新關侯廟屬  
予記其所以施山造寺授戒之始末矣後三年三郎祠成當陽  
院明府又以書來言曰承皓七十老子布衣糲食而勤于營繕



以維持像教為志者足尚有公其再書之乃承其說為之記

宋元祐七年解州知州張柬之重修武安王廟記

河東路解州解縣尉鄭咸撰

侯諱羽姓關氏以忠義大節事蜀先主昭烈皇帝為左右禦侮之臣官至前將軍假節鉞侯之名聞于天下後世雖老農稚子皆能道之然皆謂侯英武善戰為萬人敵耳此不足以知侯也方漢之將亡曹孟德以姦雄之資挾天子以據中原虎視鄰國謂本初猶不足數而况其下哉獨先主區區欲較其力而與之抗然屢戰而數敗矣士於此時懷去就之計者得以擇主而事之苟不明於忠義大節孰肯抗強助弱去安而即危者夫爵祿富貴人之所甚欲也視萬鍾猶一芥之輕比千乘於匹夫之重者豈有他哉忠盡而義勝耳侯以謂曹公名為漢臣實漢賊

而先主固劉氏之宗種侯嘗受漢爵號矣苟為擇其所事則當與曹乎當與劉乎曹劉之不敵雖愚者知之巴蜀數郡以當天下之半其成功不可待也而侯豈以此少動其心哉秋霜之嚴見睨則消南金之堅遇剛則折而侯之忠義凜然雖富貴在前死亡居後不可奪也孔融楊彪皆巨德元老一日少忤曹公乃戮而囚之侯為曹公所得不敢加無禮焉比其去也熟視而不敢追然則侯之所以勝曹公者多矣蓋有以服其心而折其氣豈在行陣間乎侯本解人廟于郡城之西廟久不治里中父老相與經營加完新焉時維太守張公別乘張公相與為雍容鎮靜之政而解民熙然樂之日有餘暇可以致力于神矣然則神安其宅厥有由哉

金嘉泰四年重修廟記



解梁軍知州事賜紫金魚袋前吏部員外郎京兆

田特秀撰

夫忠而識闇不能擇有道之主當代無以建其功若范增為項  
楚畫計雖怒撞玉斗未免為彭城之廢人矣勇而義寡不能堅  
事君之節沒世無以成其名若呂布反覆無定雖巧中戟支未  
免為白門之縛虜矣忠而遠識勇而篤義事明君抗大節收雋  
功飛英名磊磊落落挺然獨立千古者惟公之偉歟昔漢火灰  
冷群龍閔野曹操以奸雄之姿挾天子以令四方窺圖神器坐  
議西伯雖名漢相其實漢賊先主以漢之宗裔稟寬厚之質負  
英雄之氣下將解黔首之倒懸上則懼高光之不血食也屈體  
待士冀完舊物公於是時以謂予曹則助賊為虐逆也予劉則  
輔正合義順也於是委質於先主如雲風之從龍虎左右禦侮  
然著于當時信于後世廟食千載公解人也初與張益德從昭  
烈于涿郡寢則同沐恩若兄弟稠人廣坐侍立終日奉以周旋  
不避艱險曹操以奸雄之資私竊威命漢特擁其虛器喬玄許  
邵固已識其人矣昭烈以帝室之胄英名盖世且得衆心三顧  
卧龍於草廬時操語昭烈曰天下英雄惟使君與孤耳程昱有  
言關張萬人敵也昭烈領豫州吳周瑜上疏於孫權亦謂昭烈  
負驍勇之資得關張熊虎之將恐蛟龍得雲雨終非池中物也  
公在下邳嘗為曹所得禮之甚厚袁紹遣顏良來攻東郡公為  
前鋒策馬刺良於萬衆中操壯公表封為漢壽亭侯公既與昭  
烈誓以共死竟辭其賜而歸曹曰事君不忘其本天下義士也  
以操之雄猜陰忤海內名士若孔文舉楊得祖輩俱不獲免奚  
獨舍公豈非忠義大節有以服操之心邪及昭烈為漢中王拜



公前將軍假節鉞都督荊州攻曹仁于樊降于禁戮龐德吳魏  
君臣畏威之不暇而天不祚漢卒有山陽之舉悲夫然昔之豪  
傑龍驤虎躍並驅中原者悉已颺馳而煙滅矣惟公赫然廟食  
至今不廢使公生高光之世豈不與蕭曹鄧寇之倫銘功石室  
圖形雲臺哉宋大觀二年封為武安王聖朝至三年宗師靖應真  
人姜善信奉世祖旨護持本朝凡廟之恒產悉主之俾修其廟  
姜公兩建道院於廟左即今崇寧宮志安靖應之孫皇慶元年  
又奉仁宗旨護持之初志安與其衆勞心勤力言于州州董其  
役仍率僚佐屬縣皆割俸以助百工獻藝經始于至治二年春  
正月落成于是年閏五月噫公之勲名在史冊廟貌徧寰宇忠  
義遺烈在人心偉歟盛哉

至正二十五年郡人蔡榮等重飾廟記

周旋艱險有死無二及董督荊州也降于禁戮龐德梁郊陸渾  
遙受印號威聲赫然震疊華夏曹操議徙許以避其鋒江南請  
求婚以結其好使西南僻陋之蜀屹然為鼎足強國二敵睥睨  
而莫敢妄動者非公之力歟當時諸葛孔明自謂管樂之流於  
人不易許可嘗謂馬孟起兼資文武雄烈過人一世之傑當與  
益德並驅爭先猶未及髯之絕倫超群也世說多稱策馬刺顏  
良於萬衆中遂解白馬圍為公之美是豈真知公者哉且公平  
昔好春秋左氏傳方先主在許與曹操同獵公勸先主殺操而  
不從及在夏口飄颻江渚公怒曰往日若從所言豈有今日之  
困以是知公好學通古深識遠見又有大過人者公當下邳之  
役嘗為操所得禮遇善厚公視高爵重賞藐如草壤盡封所賜  
而去於戲士窮見節義方曹氏勢熾炎劉力弱事君不忘其本



見利不失其義是豈信布可同日論哉解寔公之故里廟在郡城之西春秋祈祀送迎奔走四遠之人惟恐其後本朝慮公之廟歲久將弊特降明命而完新之余既喜敘公之忠節休烈亦將律天下後世之為人臣者

元晉王泰定元年刑部尚書馬思忽重修廟記

亞中大夫僉太常禮儀院事翰林院學士王緯撰  
至治三年同知太常禮儀院事實童前為晉寧路達魯花赤中書刑部尚書馬思忽前為晉寧路總管二公謂緯言解州故城之西武安王廟國家屢詔守臣以時致祭此典禮也廟歲久弗治又大德七年地震廟壞提點崇寧宮張志安撤而新之常行部至解躬謁于廟適觀厥成今志安走京師求文按三國史漢末英雄割據時則有若關公審去就之機明君臣之分大義

朝列大夫前解州知州兼諸軍奧魯勸農防禦使

陳瓛撰

事君致身之謂忠擇主輔正之謂義故國統既亡而使復存人心已離而使復合豈非山岳降神為國之幹者乎昔桓靈失柄寇盜蠭起一時豪傑提兵叫號名曰討賊實皆雄據封域紹熾於山東述狂於淮右表擅荆襄備敗徐豫假王命以令天下則莫強於操席父兄以保江東則莫盛於權獻皇擁虛器于上諸侯肆吞噬于下士君子出有志功名者各擇主而事焉惟以勢之強弱事之成敗為身之去就智如或攸勇如瑜肅咸蹈一轍而王也獨能明逆順伸信義委身於中山靖王之裔掃群雄之擾攘復炎劉之祚業雖屢敗屢奔顛沛流離而志氣不屈卒能輔翼昭烈克紹正統所謂一旅而興夏一申而存楚者也是其



心所見者一於輔正故其身所許者堅於成仁至於成敗利害有弗較焉方其視曹瞞之爵賞猶草芥絕孫虜之請婚若讐隙而興漢滅賊之素志真猶泰山喬岳訓士勵卒攻城野戰斃而後已焉王之忠義固當與日月爭光與天地相為悠久余嘗品列三國人物諸葛武侯之次惟王絕倫宜乎百世無窮崇以王爵徽稱普天之下人敬而家祀之也王解人也生為漢名將歿為解土神廟在治城之西壯麗魁於寰宇郡人有蔡榮者覩其神廟頽圯乃作而新之今三十餘載其子王念先志之未就復施財備工以賁飾之郡文學薛彛偕王丐文余謂王之勲業漢史所書其英風義氣使人慕為善之福懼為惡之禍誠有取於風化也

元順天府權帥府苑德重建漢義勇武安王廟記

翰林院侍讀學士冀國文忠公陵川郝經撰



高光以仁義得天下而桓靈失之一時豪傑莫不欲代漢受命比迹高光而祇事於詐力智計土地甲兵獨昭烈帝始終守一仁武安王始終守一義盡心於復漢無心於代漢漢統卒歸之袁氏徒為僭偽曹氏徒為篡竊孫氏徒為霸竟不能以有漢初王及車騎將軍飛與昭烈為友約為兄弟死生一之及昭烈取益州留王鎮荊州獨當一面掎角感操昭烈進取漢中王威鎮許洛幾復漢矣不幸而操權合謀以圖王王死而曹氏篡昭烈與張飛出師代權以誅讐飛死而帝崩始則王與飛以死事昭烈終則昭烈與飛以死報王嗚呼仁之至義之盡也王諱羽字雲長姓關氏解梁人起義於涿郡戰爭於徐兗奔走於冀豫立功於江淮而投於荆楚其英靈義烈遍天下故在所廟祀福



禍惡神威赫然人咸畏而敬之而燕趙荆楚為尤篤郡國州  
縣鄉邑間井皆有廟夏五月十有三日秋九月十有三日則大  
為祈賽整伏盛儀雄甲旗鼓長刀赤騏儼如玉生千載之下景  
仰嚮慕而猶若是况漢季之遺民乎天假之年誅操復漢有餘  
地矣容偽醜正寔繁有徒嗚呼哀哉順天當燕趙之衝而府中  
之廟二皆庠俯墊偪不稱王之威靈歲丁酉權帥府事苑德於  
雞水南湖之右創為新廟耽耽奕奕神居巍然初為廟貌並昭  
烈皇帝車騎將軍及王為三萬戶張公來享于廟退謂德曰廟  
無二主尊無二上君臣同祀而王侍側如昔享觀不專非制也  
遂議別為昭烈皇帝廟而王始正南面之位焉己酉秋大享禮  
畢請碑其事故推本君臣之義以詔不朽仍作詩以侑神 詩  
曰漢季草澤生英雄王自蒲坂來山東結交四海皆兒童

壯士忽相逢義氣許與開心曾樓桑五丈即沛豐破屋半夜噴  
長虹指天誓日除奸兇萬折不易以死從瞰如兩虎夾一龍風  
雷盪天漢火紅誰知京都邊蕪空盡為曹氏妖狐蹤忽爾陷賊  
當天窮躍馬斬將萬眾中侯印賜金還自封橫刀拜書去曹公  
千古凜凜國士風跨有荆益事戰攻直指許洛期一戎操如喘  
鼠謀避鋒權如黥鳥示象恭肘腋拚襲有呂蒙遂令大業弗克  
終飛死帝崩永安宮三人在天義烈同惟王神威地天通血食  
廟祀仍軍容操骨已朽王爵隆操鬼不食王禮崇作詩誦王興  
三我功碩如東坡贊孔融







卷之三